

直隸趙州志卷二

輿地志

田賦 鹽政附

文獻通考首田賦蓋田賦以足國用以阜兆民也上之人勞心治民使人各勤其業樂其事則壤成賦上下與足斯亦自然之道矣趙地西南一方俱係沙瘠東北一方俱係鹺鹵加以水旱頻仍子午衝要所以甦民困省民勞者良司牧尤當加意也

康熙十年戶凡一千八百十二丁凡六萬三千五百八十九至光緒九年戶凡二萬八千三百二十四口凡十四萬五千二百八十三

趙州志

卷二

田賦

一

原額下下人丁四萬七千七百七十七丁五年編審一次

乾隆三十七年六月十八日欽奉

上諭嗣後五年一次編審之例永行停止

新舊人丁共六萬七千二百八十二丁內除

盛世滋生人丁一千七百二十一丁欽奉

恩詔永不加賦外

實在下下人丁六萬五千五百六十一丁每丁徵銀一錢共徵銀六千五百五十六兩一錢每丁徵閏月銀

三釐五忽零共徵閏月銀一百九十七兩四分九釐零

又本州并歸併各衛實在行差人丁六萬五千九百六十一丁各徵銀不等共徵銀六千六百二十六兩七錢九釐零共徵閏月銀一百九十七兩四分九釐零於雍正二年奉

旨攤入地糧徵收糧銀每兩均攤丁匠銀二錢七釐二絲六忽零遇閏每兩均攤丁閏銀七釐九毫四絲一忽零

原額一例起科小白地七千七十八頃五十八畝三分

趙州志

卷二

田賦

二

每畝各徵銀不等

優免地一千八十一頃每畝徵銀二分五釐六毫九絲六忽零共徵銀二千七百七十七兩八錢三分四釐零共攤丁匠銀五百七十五兩八分六釐零遇閏共攤丁閏銀二十二兩五分九釐零

行差地五千二百三十二頃一十四畝二釐九毫每畝徵銀二分五釐六毫九絲六忽零共徵銀一萬三千四百四十四兩九錢七分八釐零共攤丁匠銀二千七百八十三兩四錢七分一釐零遇閏共攤丁閏銀一百六兩七錢六分八釐零

寄莊地七百六十五頃四十四畝二分七釐一毫每畝  
徵銀二分九釐九毫七絲一忽零共徵銀二千二百  
九十四兩一錢一分零共攤丁匠銀四百七十四兩  
九錢四分二釐零遇閏共攤丁閏銀一十八兩二錢  
一分七釐零

康熙十六年查出自首額內優免地二十七頃三十七  
畝九分七釐每畝徵銀二分五釐六毫九絲六忽零  
共徵銀七十兩三錢五分七釐零共攤丁匠銀一十  
四兩五錢六分五釐零遇閏共攤丁閏銀五錢五分  
八釐零

行差地三百四十六頃二十六畝二分四釐八毫每畝  
徵銀二分五釐六毫九絲六忽零共徵銀八百八十  
九兩七錢八分七釐零共攤丁匠銀一百八十四兩  
二錢九釐零遇閏共攤丁閏銀七兩六分五釐零  
又額外馬廠地七頃七十四畝七釐每畝徵銀二分五  
釐三毫八絲一忽零共徵銀十九兩六錢四分六釐  
零共攤丁匠銀四兩六分七釐零遇閏共攤丁閏銀  
一錢五分六釐零  
額外馬廠地五十一頃三十畝每畝徵銀二分五釐三  
毫八絲一忽零共徵銀一百三十兩二錢五釐零共

攤丁匠銀二十六兩九錢五分六釐零遇閏共攤丁  
閏銀一兩三分三釐零

牧地九十八頃五十畝每畝徵銀二分八釐四毫八絲  
一忽零共徵銀二百八十兩五錢四分二釐零共攤  
丁匠銀五十八兩七分九釐零遇閏共攤丁閏銀二  
兩二錢二分七釐零

行差地三十九頃八十一畝五分四釐每畝徵銀二分  
五釐六毫九絲三忽零共徵銀一百二兩三錢一釐  
零共攤丁匠銀二十一兩一錢七分九釐零遇閏共  
攤丁閏銀八錢一分二釐零

趙州志

卷二

田賦

四

學院學租地二頃二十畝每畝徵銀三分共徵銀六兩  
六錢共攤丁匠銀一兩三錢六分六釐零遇閏共攤  
丁閏銀五分二釐零

康熙二十七年騰驤右衛歸併本州地三頃二十二畝  
七分八釐八毫每畝徵銀一分三釐四毫一絲一忽  
零共徵銀四兩三錢二分九釐零共攤丁匠銀八錢  
九分六釐零遇閏共攤丁閏銀三分四釐零

康熙二十八年正定衛歸併神武衛歸併本州實在徵  
糧下下地一百三十二頃四十四畝一分五釐每畝  
徵銀五釐四毫二絲五忽共徵銀七十一兩八錢四

分九釐零共攤丁匠銀一十四兩八錢七分四釐零  
遇閏共攤丁閏銀五錢七分五毫零

康熙十六年查出自首上地一十九頃四十二畝每畝  
徵銀二分六釐六毫九絲共徵銀五十一兩八錢三  
分一釐零共攤丁匠銀一十兩七錢三分零遇閏共  
攤丁閏銀四錢一分一釐零

價銀四錢七分五釐三毫六絲四忽零實在歸併徵糧  
屯地內派徵每畝代徵銀三絲五忽零

康熙二十九年奉文歸併正定衛所轄神武衛查出自  
首下下地四頃三十四畝二分三毫每畝徵銀五釐

四毫二絲五忽共徵銀二兩三錢五分五釐零共攤  
丁匠銀四錢八分七釐零遇閏共攤丁閏銀一分八  
釐零

又清查自首上地二十七畝五分四釐八毫每畝徵銀  
二分六釐六毫九絲共徵銀七錢三分五釐零共攤  
丁匠銀一錢五分二釐零遇閏共攤丁閏銀五釐零  
道光九年分民人王守義等報涸嘉慶六年水冲沙壓  
優免清查行差等地三百四十四頃七十四畝三分  
九釐九毫每畝徵銀二分五釐六毫九絲六忽零共  
徵銀八百八十五兩八錢八分五釐共攤丁匠銀一

百八十三兩四錢二釐遇閏共攤丁閏銀七兩三分五釐

又民人付秀等報涸嘉慶六年水冲沙壓寄莊地十七頃十三畝一分一釐二毫每畝徵銀二分九釐九毫七絲一忽零共徵銀五十一兩三錢四分四釐共攤丁匠銀十兩六錢三分遇閏共攤丁閏銀四錢八釐道光十一年分民人李功等報墾嘉慶六年水冲沙壓行差等地一頃二十畝七分八釐七毫每畝徵銀二分五釐六毫九絲六忽零共徵銀三兩一錢三釐共攤丁匠銀六錢四分二釐遇閏共攤丁閏銀二分五

趙州志

卷二

田賦

六

釐

道光十三年分民人卜龍等認墾城河兩岸沙淤等地四頃九十三畝八分二釐每畝徵銀五釐四毫二絲五忽共徵銀二兩六錢七分九釐共攤丁匠銀五錢五分五釐遇閏共攤丁閏銀二分一釐道光十四年分民人邢建宗等認墾地一十二畝四分每畝徵銀五釐四毫二絲五忽共徵銀六分七釐共攤丁匠銀一分四釐遇閏共攤丁閏銀一釐道光十七年分南李疇原淤成熟下地一頃九十七畝七分七釐一毫每畝徵銀一分三釐四毫一絲一忽

零共徵銀二兩六錢五分二釐零共攤丁匠銀五錢四分八釐遇閏共攤丁閏銀二分一釐又續淤成熟下地二頃五十七畝七分五釐八毫每畝徵銀五釐四毫二絲五忽共徵銀一兩三錢九分八釐零共攤丁匠銀二錢八分九釐遇閏共攤丁閏銀一分一釐

以上通共額內額外共地七千七百九十三頃五十四畝四分四釐五毫共徵銀二萬二百三十八兩七分九釐五毫共均攤丁匠銀四千一百九十兩五錢八分一釐六毫遇閏共徵地閏銀五百九十兩六錢二分二釐一毫又均攤丁閏銀一百六十兩二錢九分六釐

地丁共徵銀二萬四千四百二十八兩六錢五分零遇閏加徵銀七百五十兩九錢一分零

每兩加耗銀一錢三分

起運 按 畿輔通志所載

每歲銀一萬五千九百二十二兩九分零

遇閏加銀六十一兩四錢二分零

存留 按 畿輔通志所載

每歲共銀八千五百六兩五錢零

遇閏加銀六百八十九兩四錢九分零

驛遞一歲統共支用夫馬工料雜項等銀五千九百兩

零三錢五分二釐於本州地糧銀內存留支給

遇閏加增

龍亭修理銀五錢

文廟修理銀十兩

文廟崇聖名宦鄉賢春秋二大祭銀四十兩

文昌帝君春秋二祭銀四十兩

關帝廟春夏秋三祭銀四十兩

社稷山川風雲雷雨城隍等神春秋二祭銀三十兩

無祀鬼神三小祭銀十兩

趙州志

卷二

田賦

八

鄉飲二次酒醴銀十二兩

朔望行香紙燭銀一兩

時憲書銀三兩

本州知州俸銀八十兩

門子二名工食銀十二兩遇閏加銀一兩

皂隸十二名工食銀七十二兩遇閏加銀六兩

件作四名工食銀二十四兩遇閏加銀二兩

快手八名工食銀一百三十四兩四錢遇閏加銀十

一兩二錢

民壯五十名工食銀三百兩遇閏加銀二十五兩

看監禁卒八名工食銀四十八兩遇閏加銀四兩  
轎傘扇夫七名工食銀四十二兩遇閏加銀三兩五  
錢

庫子四名工食銀二十四兩遇閏加銀二兩  
斗級四名工食銀二十四兩遇閏加銀二兩四錢  
吹手八名工食銀四十八兩遇閏加銀四兩  
舖司兵十二名工食銀七十二兩遇閏加銀六兩  
更夫五名工食銀二十四兩遇閏加銀二兩  
火夫十名工食銀四十八兩遇閏加銀四兩  
壇夫二名工食銀十二兩

防夫四名工食銀二十四兩遇閏加銀二兩  
滹沱河水手工食銀十二兩遇閏加銀一兩  
孤貧月糧銀一百九十八兩遇閏加銀十六兩五錢  
冬衣布花銀十五兩三錢九釐零遇閏不加  
農夫二名每年銀十二兩遇閏加銀一兩  
辦解本色芝蔴價銀一兩二錢二分三釐零  
州判俸銀四十五兩  
門子一名工食銀六兩遇閏加銀五錢  
皂隸六名工食銀三十六兩遇閏加銀三兩  
籠馬傘扇夫二名工食銀十二兩遇閏加銀一兩

吏目俸銀三十一兩五錢二分

門子一名工食銀六兩遇閏加銀五錢

皂隸四名工食銀二十四兩遇閏加銀二兩四錢

馬夫一名工食銀六兩遇閏加銀五錢

學正俸銀四十兩

訓導俸銀四十兩

齋夫六名工食銀三十六兩遇閏加銀三兩

膳夫二名工食銀十三兩三錢三分三釐零遇閏加

銀一兩一錢一分一釐零

門斗三名工食銀二十一兩六錢遇閏加銀一兩八

趙州志

卷二

田賦

十

錢

廩生三十名月糧銀九十六兩遇閏加銀八兩

廩生貧士學田銀六兩六錢

貢生盤費花紅旗匾銀二兩五錢

會試舉人盤費銀六兩

會試謄錄書手盤費銀八兩

舉人坊價銀二十六兩六錢六分六釐零

進士坊價銀三十三兩三錢三分三釐零

武闈入簾公晏銀四兩

武舉花紅旗匾銀三兩三錢三分三釐零

武進士花紅旗匾銀六兩六錢六分六釐零

各項雜稅

當稅

房地稅契

牙帖稅

牛驢稅馬匹同

豬羊花布等稅

又代徵神武衛房地稅

以上各稅俱無定額例應儘收儘解年終另冊報銷

鹽政

趙州志

卷二

田賦

十一

趙州淨行銷引三千四百四十入引應徵課銀二千三百六十五兩二錢一分四釐鹽價每觔大錢二十三文復價二文加價二文現賣二十七文五縣現賣價同

柏鄉一千八百七十六引

隆平二千五百四十六引

高邑一千五百八十九引

臨城一千八百四十六引

甯晉四千六百五十四引

右節錄賦役全書及通志

風俗

相觀而化者風相習而成者俗要必有機焉夫趙舊稱慷慨有俠氣者又曰性多敦厚務農桑以今準昔若甚相懸然古意未盡泯也士崇信義恥奔競農務勤儉安耕鑿非愿樸忠厚之風猶有存焉者乎於此而因勢利導謹好尚以端其趨崇教化以正其範使趙人敦行誼樂名教文質得中歷久不變司風化者所宜急圖也

舊志曰古稱趙地多感慨悲歌之士漢書地理志云地薄人眾丈夫相聚遊戲悲歌慷慨蓋其時去平原

君高漸離未遠任俠之風人爭慕之寔以成俗其勢然也觀隋志所云好尚儒術傷於遲重宋史亦云質厚少文多專經術若是則趙之人士一變至道不有足多者哉方今地屬畿輔德化霑濡彬彬師師庶幾鄒魯但流俗尚浮屠好分異人不思遠家無素蓄好勝輕生男女訟牒攘臂一呼易爲震動援公道以淆是非其流弊有可憂者嘗聞諸父老云明成化宏治間俗尚勤儉民多殷富男業種植女務織紡婚不論財筵不尚華故家大族賑貧周急動以千計而無吝惜可不謂有平原君之遺風乎今也不然一遇歉歲

雖在富室亦少奇羨他可知矣去奢就儉於趙之人  
實切望之 刪訂舊志

士多寒素耕讀兼營安於家居不好遊謁經書務在  
講貫子史亦多涉獵積學儲材科第不絕

農終歲勤動田疇開闢耕稼紡績比屋皆然老幼鮮  
惰窳胼胝無虛日

工起屋舍造車輛水車製農器及日用所需之器具  
無他奇巧

商賈業鹽典者皆異鄉人趙地則菽粟棉花轉販及  
擔負之流無遠方貿易者

趙州志

卷二

風俗

十三

四禮俗尚

冠

士大夫家間行之民間久廢

婚

自媒妁通好至拜舅姑行廟見禮大畧從同惟親迎  
則薦紳士庶之家無不行之斯最近古至婚姻論  
財民間間有之巨室顯族束柬往來而已其他聘  
儀奩具豐約不同各稱其家

喪

家無貧富凡力所能爲棺必具槨三日大殮延陰陽

術士作鎮俗制也治喪賓來弔民間或延僧道薦  
亡士大夫家無用之者

祭

四時祀先無家廟祭於寢列歷代神主或畫祖考像  
於軸懸之清明中元十月朔相率墓祭夫墓祭非  
古也然塋域爲祖考體魄所藏躬埽治而肅拜瞻  
有仁孝之心焉其他頗無淫祀

四時俗尚

正月元旦五鼓初焚香燭祀真宰神及先祖男女各  
拜家長以次遞拜親友交賀畢遂拜墓 立春日

趙州志

卷二

風俗

十四

觀土牛 五日埽除穢土置門外曰送窮 元宵  
賞燈火前後數日游行爲樂謂散百病兒童唱秧  
歌放紙鳶村落架鞦韆爲戲 二十五日以灰畫  
地作圜形中撒五穀壓以磚石曰填倉

二月二日以竈灰圍宅牆下辟除百蟲具鯉魚猪脯  
饋新嫁女曰開素 春分釀酒

三月寒食清明墓祭焚紙錢培塋土 插柳簷上  
穀雨書令禁蠶

四月朔日二十八日城內廟會男女多焚香禮神

五月五日貼門符食角黍戴艾葉婦女簪艾虎兒童

佩五色絲 五日前具角黍饋新嫁女

六月六日造麩儲醬

七月七日曝衣乞巧 十五日中元節燒地頭紙祀

穀神

八月十五日中秋節以瓜果餠供月親友相饋夜  
飲賞月 十五日前具餠饋新嫁女

九月九日士人攜酒出遊登高

十月朔日墓祭剪紙爲衣焚墓所曰送寒衣

十一月長至日諸弟子致禮於其師謂拜師與端陽

中秋節同

趙州志

卷二

風俗

十五

十二月八日以諸豆米雜棗作粥曰臘八粥 二十

三日以飴餠祀竈 歲暮多嫁娶 除夕換門神

貼春聯徹夜歡飲曰守歲

物產

記有之取財於地取法於天恆產之豐約風俗之隆  
汚所由基也趙稱劇郡丁衝途土田腴瘠參半不宜  
植稻五穀而外雜蒔吉貝近用水車灌田法歲收較  
厚然勞費頗甚所入之餘利適足相償耳泣斯土者  
軫閭左疾苦搏節而愛養之庶幾比閭和洽庶物蕃  
昌擊壤鼓腹之休詎難再見於今日哉

穀屬

黍

有黃白二種黏者謂黃米亦謂之黃糯

稷

黏者為黍不黏者為稷

梁

粟也種甚繁北方日穀脫殼謂小米日用不可缺者

趙州志

卷一

物產

十六

麥

大小二種春種者日春麥又有小麥無芒者

蕎麥

一作苽

秫

有紅白二種俗呼為高糧

菽

眾豆名有黃黑二種又有菘豆豌豆菹豆豇豆之屬

芝蔴

有黑白二種一名胡麻宜作油

蔬屬

韭

春初者佳

葱

畿輔舊志有四種日凍曰胡曰漢曰蒼

蒜

有紅皮白皮白皮者出南陽

芹

有園芹野芹水芹

菘

即白菜

菠

即菠菱菜一名赤根

蘆苳

萵苣

蘿蔔

一名萊菔

山藥

本名薯蕷避唐代宗宋英宗諱遂名山藥

芥 一名辣菜 又有春不老 亦芥屬

蔓菁 一名蕪菁

蒼蓮

莧 又有紅莧 白莧 又有馬齒莧

擘藍 南方謂之芥藍 葉可擘食 故北人謂擘藍

齊

瓜屬

王瓜 長細者佳

西瓜 有黃瓢 紅瓢 二種

甜瓜 小而香者為佳

冬瓜 形大而長 皮青帶粉 色

菜瓜 色青質脆

南瓜

倭瓜 一名北瓜

絲瓜 架棚蔓生

瓠子

壺盧 本草 古人壺瓠 匏皆可通稱

趙州志

卷一

物產

十七

茄 有紫白二種 水茄宜生食

秦椒

果屬

桃李 石榴 杏 梨 棗 葡萄 櫻桃

花屬

牡丹 丁香 紫白 芍藥 海棠 桃花 李花

迎春 葵 荷 爾雅注 北人以蓮為荷 薔薇 月季 俗呼月月

木槿 玉簪 金粟 俗名萬苣蓮 亦名鷺粟 金盞 本名長春 菊

種最繁 紫荊 紫薇 剪秋蘿 鳳仙 一名指甲花

雞冠 萱花 牽牛 刺梅 即玫瑰 紅花 石竹

五香梅 木旗花

貨屬

棉 一名吉貝趙地種植甚多

宮保方制府進呈棉花圖疏冀趙深定諸州藝棉

者什八九產既富於東南而其織紵之精亦遂與

草屬

麻 雌雄者為苴 蒲 葦 蘆葦通一物 艾 蒿 蓬

藍 染草可作澱 莎 根即香 苜蓿 可飼馬 十樣錦 即老花

茅 蓼 莠 茨 馬蘭 萍 烟草

藥屬

車前子 即茺菹 益母草 即茺蔚子 酸棗 蒼耳

趙州志

卷二

物產

十八

菟絲子 薄荷 牽牛 枸杞 其根皮 香附子

茵陳 荊芥 瓦松 瓜萘仁 其根即 金銀花

扁豆 茴香 蒲公英 俗名步步丁

木屬

槐 有絕大者一 柳 楊 榆 又白榆一名粉 松

柏 桑 桐 有奇桐青 杜 椿 香者芽

夜合 即合歡其花葉至暮即合

禽屬

雞 鶩 鴿 鴨 鵲 蠟嘴 即桑扈 黃鸝 即黃

鸛 鷹 鷓鴣 黃雀 燕 鴉 寒鴉有白頸者名

啄木 即鷲 鳩 鴟

獸屬

馬 牛 羸 驢 羊 豕 揚雄方言豕豨因地異名 彘 狐

兔 貓 犬 獾 鼠

蟲屬

蠶 蜜 方言謂之蠶 又有土蜂 馬蜂 蟬 上人呼為唧膠 絡緯 一名蟋

促織 蛾 蚓 蝙蝠 蜥蜴 蝦蟆 即蛙 蠹斯

蜘蛛 螳螂 蟬 即蠹 蛇 蝎 蠅 蚊 蜉蝣

蟾酥

魚屬

趙州志

卷二

物產

十九

鯉 鯽 鮎 鰍

祥異 兵事附

善言天者必有驗於人祥異雖降於天抑由人事星  
土之占雲物之書所以嚴修省也夫豐年爲瑞麟經  
書大有年而水旱兵戎皆異也亦備書之觀洪範休  
徵咎徵應於五事則弭災保祥其道必有所在矣德  
教政刑之修司土者安可忽諸

南北朝

武定九年齊趙州蠡澇損田乃免其年租賦

廢帝乾明元年夏四月齊趙州蠡水傷稼遣使分途卹之  
三年冬十月齊趙州水溢

趙州志

卷二

祥異

二十

四年春三月齊趙州水潦甚爲民害詔給下戶粟各有差  
武平六年秋八月齊趙州大水

唐

太宗貞觀十八年秋八月趙州獻白鹿

長慶元年夏六月彗星出於昴長一丈凡十日見占曰昴  
畢趙之分也趙地當有兵起踰月有成德軍之變  
咸通十年熒惑鎮星太白辰星暈於昴畢

宋

乾德二年夏六月河北諸州蝗惟趙州不傷稼

天聖五年趙州蝗

景祐六年秋八月趙州嘉禾異畝同穎

元豐三年秋八月趙州平棘縣獻白鵲

九月趙州獻白鹿

九年秋八月趙州大水泛溢壞城郭

元

大德四年眞定平棘縣旱

至順元年秋七月平棘縣大風雨雹傷稼

明

嘉靖二十四年秋七月趙州等處災免今年田租錢糧七

分

趙州志

卷二

祥異

二十一

三十九年趙州諸縣大旱蝗流移載道

萬曆三十五年趙州大水

崇正十三年大旱絕禾稼饑饉人食草根樹皮餓殍載道

十四年大旱瘟疫大行死者枕藉

國朝

順治四年蝗

十四年城壕產並蒂蓮

康熙三年彗星見

七年夏六月地震

秋七月初八日大水禾稼盡沒城郭損壞四鄉房屋漂泊

甚多巡撫甘文焜具疏

詔免本年錢糧捐金賑濟

道光二年大水

三年大水六月官糶米於大石橋賑之

十年四月二十八日大雨三日大水

咸豐三年七月十七日大雨七晝夜屋圯無算除夕大雪

明年夏麥秀雙歧

六年夏不雨蝗害稼

七年春蝻生

八年夏彗星見東北方燄長數丈經十餘夜始散

趙州志

卷二

祥異

二十二

同治二年夏雞鳴不時九月桃李花

十年旱民多穿井溉田種棉者獲厚利

十一年壬申有年

十三年五月十八夜彗星見西北方長丈許

光緒三年三月妖術盛行割男女髮辮有死者多佩硃符  
禳之

四年歲饑

九年七月二十五日大風雨傷稼

十四年戊子旱

十七年旱種棉者獲利

二十年七月七日大雨凡四晝夜河水氾溢

二十一年四月初三日大風雨凡兩晝夜屋圯無算

二十二年夏雹害稼輕重有差

二十三年丁酉有年

兵事紀畧

周

敬王二十有六年晉范吉射荀寅出奔齊師魯師衛孔圉

鮮虞人伐晉取棘蒲

今趙州城南有棘蒲社

以救范氏

二十有九年晉趙鞅圍邯鄲荀寅奔鮮虞趙稷奔臨

在今趙州

十二月齊國夏伐晉取欒郟會鮮虞納荀寅於柏人

趙州志

卷二

兵事

二十三

安王二十有一年趙取魏棘蒲

二十有五年趙與中山戰于房子

顯王十有二年魏韓會於郟

今趙州柏鄉縣北

四十有五年中山負齊之強日侵趙趙城郟拒之中山引

水圍郟取之

赧王八年趙武靈王北畧中山之地至房子

三十有二年趙取齊昔陽

今正定府藁城縣西南

四十年趙拔魏房子

五十有八年魏公子無忌用侯生計大破秦軍於邯鄲下

趙王以郟為公子湯沐邑

東周君五年燕王使栗腹伐趙趙使廉頗擊之敗其兩軍

逐北五百里

周末諸國

趙王遷二年

秦桓齮伐趙殺趙將扈輒趙以李牧爲大將復戰

於宜安

故城在正定府藁城縣西南

秦師敗績趙封李牧爲武安君

七年

秦王翦伐趙下井陘趙使李牧禦之秦多與郭開金

使言牧欲反趙王使趙葱顏聚代之牧不受命遂殺之

秦王政十九年

秦王翦大破趙軍殺趙葱顏聚亡遂克邯鄲虜

趙王遷秦王如邯鄲故與母家有怨者皆殺之王翦屯

中山以臨燕趙公子嘉自立爲代王與燕合軍屯上谷

趙州志

卷二

兵事

二十四

秦

二世元年楚遣武臣張耳陳餘徇趙下趙十餘城乃引兵

擊范陽

二年章邯擊趙破邯鄲張耳以趙王走鉅鹿王離圍之趙

請救於楚楚以宋義爲上將軍項羽爲次將范增爲末

將帥師救趙

楚漢

漢王二年陳餘聞田榮王齊乃使夏說往說榮假齊兵共

襲常山張耳敗走歸漢餘收趙地迎代王歇復王趙歇

德餘立餘爲代王留傅趙王使夏說以相國守代

漢王三年漢韓信張耳擊趙禽趙王歇斬陳餘於泚水上

行定趙地

漢

高祖八年上擊韓王信於東垣過柏人趙相貫高等壁人

於厠帝欲宿心動而去

漢淮陽王

更始元年故趙繆王子林以卜者王郎為成帝子子輿與趙國

大豪李育張參等入邯鄲立即為天子徇下幽薊移檄

州郡於是趙國以北遼東以西望風響應

二年大司馬秀以王郎新盛乃北徇薊時耿況為上谷太

趙州志

卷二

兵事

二十五

守遣其子弇詣長安至宋子漢縣故城在今趙州會王郎起聞大

司馬在虜奴在今定州乃馳謁秀留署長安與俱北

大司馬秀北擊中山移檄邊郡共擊邯鄲留真定進攻

元氏房子皆下之至鄗擊斬王郎將李暉至柏人復破

郎將李育育還保城攻之不下乃引兵拔廣阿耿弇以

上谷漁陽兵行定郡縣會大司馬秀於廣阿

後漢

光武帝建武元年夏六月蕭王即皇帝位於鄗南改元大

赦

晉

惠帝永興元年太弟穎以和演爲幽州刺史密圖王浚後  
又稱詔徵浚浚遂與鮮卑段務勿塵烏桓羯末及東瀛  
公同起兵討穎穎遣王斌石超討之浚等擊破王斌敗  
石超於平棘在今趙州  
二年成都王穎既廢其故將公師藩等自稱將軍起兵掠  
趙魏  
穆帝永和五年趙沛王充聞遵自立起兵討遵遵使石閔  
禦之戰於平棘充兵敗被獲賜死

南北朝

梁大通元年

北魏孝昌三年

葛榮陷魏殷州

按地形志魏殷州治廣阿

趙州志

卷二

兵事

二十六

刺史崔楷死之

梁中大通三年

魏主恭普泰元年主朗中興元年

魏高歡起兵信都猶未

敢顯叛爾朱氏會李元忠逼殷州歡使高乾救之乾輕  
入見爾朱羽生因斬之持首謁歡歡計遂決抗表罪狀

爾朱氏

冬十一月魏高歡立章武王融之子朗卽位信都自爲丞  
相敗爾朱兆等於廣阿

唐

中宗嗣聖十有四年周遣武懿宗婁師德擊契丹懿宗軍  
至趙州聞契丹將至冀州懼而南遁契丹遂陷趙州

十有五年突厥默啜圍趙州刺史高叡與妻秦氏不屈死  
武后以帝爲皇太子河北道元帥狄仁傑副之

天寶十有五年郭子儀李光弼與史思明戰於九門敗之

### 進拔趙郡

德宗建中三年正月朱滔張孝忠與李惟岳戰大敗之趙  
州降成德兵馬使王武俊殺李惟岳傳首京師

二月以張孝忠爲定滄州節度使王武俊爲恆冀團練使  
康日知爲深趙團練使

夏四月朱滔王武俊反發兵救田悅寇趙州詔李懷光討  
之敗績

## 趙州志

### 卷二

兵事

二十七

秋七月神策行營招討使李晟自魏州引兵北趨趙州王  
士真解圍去晟留趙州三日遂與張孝忠北畧恆州

憲宗十有五年冬十月成德節度使王承宗卒弟承元以  
鎮趙深冀歸有司詔田宏正帥之

十一月赦鎮趙四州死罪以下賜成德軍將士錢

武宗會昌三年昭義節度使劉從諫卒其子稹自爲留後  
詔諸道官兵討之諭鎮帥王元逵攻其邢洺磁三州元

逵聞命出師屯趙州拔宣嶓柵敗劉稹兵於堯山

昭宗大順二年李克用攻王鎔大破鎮兵於龍尾岡

在臨西

斬獲萬計遂拔臨城攻元氏柏鄉李匡威引幽州兵救

之大掠而還軍於邢州

五代

梁太祖四年梁軍逼鎮州晉王存勗會周德威於石橋進

營野河之北

乾化元年春正月梁及晉軍戰於野河大敗

晉天福六年冀州刺史張建武等取趙州

宋

太祖建隆元年春三月定天下郡縣為望繁上中下河北

各縣定注有差

景祐六年賈昌朝請以鎮邢洺相趙磁各州為正定府路

趙州志

卷二

兵事

二十八

軍從之

徽宗宣和七年金人寇保州安肅軍

今縣屬保定府

不克旋圍中

山府知府事詹度禦之復攻慶源

今趙州境

師益南侵

欽宗靖康元年知磁州宗澤繕城浚隍治器械募義勇以

備金并上言邢洺磁趙相五州各蓄精兵二萬敵攻一

郡四郡皆應是一郡之兵常有十萬人也帝嘉之

高宗建炎二年防禦使馬擴等迎皇弟信王榛於慶源五

馬寨

在今贊皇縣東

遂奉榛總制諸山寨兩河遺民間風響應

元

順帝至正二十年田豐陷保定路賊陷趙州攻偵定

明

此時趙屬正定凡史冊中言正定郡縣者趙郡皆在其中故悉採錄之

太祖二十一年秋遷澤潞民屯耕正定諸郡縣

景帝景泰元年少保于謙奏益正定等郡縣戍守官兵從之

武宗正德元年流賊劉六劉七等寇掠正定郡縣

崇禎六年八月流寇屯元氏縣犯趙州抵甯晉左良玉躡其後十一月賊乘天寒冰合率眾南遁

十五年井陘兵備楊汝經令正定壯丁屯耕甯晉

國朝

趙州志

卷二

兵事

二十九

咸豐三年九月粵逆李開方吉文元等北犯自隆平柏鄉擾及趙州州署悉被焚燬

同治元年叛卒宋景詩自獲鹿正定由城西南竄經大石橋

二年三月馬賊在趙州所屬等處游駛滋擾村民頗被焚掠高邑令畢世榕與賊戰於破塔村死之

六年梟匪肆擾餘孽數百餘人向隆平東南竄逸

七年正月捻匪張總愚號稱數萬由甯晉四芝蘭北竄勢極凶悍知州劉錫穀舉行團練提督郭寶昌劉松山等輜重駐大石橋及城西蘇村郡城戒嚴